



GIG
CYMRU
NHS
WALES

Addysg a Gwella Iechyd
Cymru (AaGIC)
Health Education and
Improvement Wales (HEIW)

Addysg a Gwella Iechyd Cymru (AaGIC)
Health Education and Improvement Wales (HEIW)
Tŷ Dysgu, Cefn
Coed, Nantgarw,
CF15 7QQ

Ffôn | Tel: 03300 585 005

Ebost | Email: heiw@wales.nhs.uk

Gwefan | Web: aagic.gig.cymru / heiw.nhs.wales

Ein Cyfeirnod: DLIB/FOI/16-01-23

Dyddiad: 16 Chwefror 2023

Diolch am eich cais am wybodaeth dan y Ddeddf Rhyddid Gwybodaeth, a dderbyniwyd 16 Ionawr; rhif cyfeirnod FOI/16-01-23. Gallaf gadarnhau bod Addysg a Gwella Iechyd Cymru (AaGIC) wedi cwblhau chwiliad o'i gofnodion ac yn cadarnhau ei fod yn meddu ar wybodaeth sydd o fewn ffiniau eich cais. Gweler isod yr ymateb i'ch cais.

1. Faint o arian sy'n cael ei glustnodi i'r rhaglen PASS yn achos bob cynllun hyfforddi meddygon teulu?

Dim – mae cynlluniau hyfforddi meddygon teulu yn endid ar wahân i gylchoedd y rhaglen PASS. Y rheswm am hyn yw bod nifer yr hyfforddeion a ddyrennir i bob addysgwr o fewn ystod gyfyngedig, sefydlog. Nid yw cyfran yr hyfforddeion y gofynnir iddynt fynychu'r rhaglen PASS yn unffurf ledled Cymru.

2. Beth yw'r tâl ychwanegol a delir i'r addysgwyr PASS?

Mae hyn yn dibynnu ar sawl grŵp o hyfforddeion y maent yn gweithio gyda nhw. Cânt eu talu yn ôl cyfradd GP01 ar y raddfa gyflog Addysgwyr Meddygon Teulu – dyma'r ddolen er gwybodaeth [Graddfa gyflog addysgwyr meddygon teulu 2022 i 2023 - GOV.UK \(www.gov.uk\)](https://www.gov.uk/government/publications/graddfa-gyflog-addysgwyr-meddygon-teulu-2022-i-2023)

3. Pam y bu i AaGIC lunio rhaglen o'r fath yn seiliedig ar ddata a fenthycwyd o gynllun hyfforddi dan awdurdod deoniaeth wahanol mewn gwlad arall?

Mae'r addysgwyr PASS yn defnyddio amrywiaeth o ddulliau i gynorthwyo hyfforddeion sy'n ymroi i'r rhaglen. Mae unrhyw dystiolaeth sy'n deillio o raglenni deoniaethau eraill y DU yr un mor berthnasol i hyfforddeion yng Nghymru. Mae holl hyfforddeion y DU yn cael eu recriwtio'n genedlaethol gan ddefnyddio'r un asesiadau a safonau. Nid oes rheswm o unrhyw fath i awgrymu na fyddai ymyriadau, sy'n helpu hyfforddeion i gael taith hyfforddi lai cymhleth mewn un maes, yn berthnasol i hyfforddeion dan law unrhyw ddeoniaeth arall. Er hynny, bydd AaGIC yn gwerthuso effaith a gwerth y rhaglen hon.



4. Faint o arian sy'n cael ei wario ar estyniad chwe mis i gyfnod hyfforddi meddyg teulu dan hyfforddiant?

Mae hyn yn dibynnu ar gyflog yr hyfforddai. Mae cyflogau hyfforddeion yn amrywio yn ôl eu profiad blaenorol. Mae estyniadau fel arfer hyd at chwe mis. Dyma restr o gyflogau blyneddol Meddygon Iau Cymru Graddfeydd cyflog ar gyfer meddygon iau yng Nghymru - Graddfeydd cyflog meddygon iau - BMA . Mae'r grant hyfforddwyr yn gyfwerth â £4,620 fesul chwe mis.

5. A oes unrhyw sail gyfreithiol / canllawiau GMC / canllawiau RCGP i beri cyflwyno'r rhaglen hon fel gofyniad gorfodol i rai hyfforddeion?

Nid yw'r rhaglen yn orfodol. Mae ein hymrwymiad o fewn AaGIC i gynorthwyo pob hyfforddai i gyflawni ei botensial a chael y profiad hyfforddi gorau bosibl. Mae tystiolaeth glir sy'n nodi cysylltiad rhwng sgorau recriwtio MSRA a'r risg o brofi taith hyfforddi gymhleth. Mae'r rhaglen yn gynorthwyol ac yn cael ei thraddodi mewn partneriaeth â hyfforddeion unigol, gyda'r nod o hyrwyddo'u cyfleoedd o lwyddo i'r eithaf.